

TE HUIHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 9.

Setepa, 1924.

Mat. 18.

*Aita outou i ite e, o te hiero outou o te Atua, e te parahi
ra te Varua o te Atua i roto ia outou na? E ia haaviivii te
hoê taata i te hiero o te Atua ra, e pohe oia i te Atua; e mo'a
hoi to te hiero o te Atua, e taua hiero ra o outou ia. Kori-
netia 1, 3: 16-17.*

A Tapea i te Moni e te Ora

HITA roa te taata rahi ra o Heneri Ford (Henry Ford) i
puhipuhi i te avaava, e i inu i te ava; e aita roa hoi
oia i tarahu i te taata ei taata rave ohipa na'na tei rave i
teie na peu tia ore.

O Heneri Ford ra, o te taata rahi ia no te Saiete o tei
hamani i te mau pereoo uira nainai, o tei parauhia e Ford;
e ua tarahu mai oia e 50,000 taata; e ahiri na puhipuhi
ana'e ratou i te avaava, ua mau'a ia e 20 minuti i te taata
hoê i te mahana hoê, e ia amuihia te reira taime no taua
mau taata e 50,000 ra, ua mau'a ia ratou e 13,000 dara
moni Amerika i te mahana hoê ra; e ia amuihia te taime i
mau'a ia ratou i te puhipuhiraa i te avaava i te matahiti
hoê ra, ua roa mai ia e 4 milioni dara. E ere te moni
ana'e tei mau'ahia i te avaava, ua taero-atoa-hia râ te tino,
e ua haapotohia te ora o taua mau taata ra i te fenua nei.

Ua na ô maira te taote ra o S. P. Blumenberg e: E
mea taero mau te nicotine e vai nei i roto i te avaava, e hoê
noariho raau taere tei hau i te nicotine i te oioi no te haa-
poheraa'tu i te mau mea ora.

O Vai ia te Mau Melahi?

E RAVE rahi te mau taata no te Ekalesia nei, o tei ui noa mai i teie nei mau uiraa, oia hoi: Nafea e tano ai te parau a Paulo i roto i te Korinetia 1, 15: 20; o tei na ô mai e: ua riro te Mesia ei matamua no te feia i mairi i te taoto ra. Ua na ô maira hoi te Peropheta ra o Iosepha Semita e, aita te mau melahi e tavini mai nei i teie nei ao, maori râ no teie nei ao ratou i teie nei, e aore râ i mutaa ihora. (B. F. 130: 5.) E i roto râ i te B. F. 129: 1; ua na ô maira hoi oia e, te mau melahi ra, e mau taata ia tei tia faahou mai te pohe maira. E i roto i te Buka Poe Tao'a Rahi i te api 18, ua faaitehia maira e, i muri a'e i to te Fatu tiavaruraa'tu i to tatou metua ia Adamu i rapae au i te ô; e hope a'era na mahana e rave rahi; ua fâ maira te hoê melahi ia Adamu mai te ui ia'na e, eaha oia i pûpû atu ai i te tusia ia Iehova ra. O vai hoi ia te mau tamaiti a Levi ta Ioane Bapetizo e parau ra, a horoa ai oia i te Autahu'a-raa ia Iosepha raua o Olive?

A hi'o tatou i te Buka Fafau i te pene 129 e te irava 1; a tai'o maite iho na i taua irava ra, ei reira e ite-papuhia'i e, e ere roa te mau melahi atoa i te mau taata tei tia faahou mai mai te pohe maira; teie mau ia te tumu rahi i fifi ai te taata no nia i te reira vahi. Te parau i haapiihia mai i reira ra, no nia ia i na huru taata e piti e vai nei i te ao ra, oia hoi, te mau taata tei roaa ia ratou te tia-faahou-raa, a tahi ia, te piti ra, o te mau varua ia aita â i noaa te tia-faahou-raa ia ratou. Aita râ i faaitehia e, aita'tu â huru taata e vai nei i reira, maori ra o ratou ana'e; no nia râ i taua haapiiraa ra, e piti noa iho ia huru taata i faaitehia i reira.

Ia faaauhia râ te tahi atu â mau vahi o te parau a te

Atu
e ha
i te
a'er
i te
16-2
te m
E i
Toru

Ua
10:
mai
pae
e no
tahi
vara
ore â
hou
ra m
tavin
faata
tavin
roto
mair
ua ri
atoa
e te
to ra
pohe
ratou
toroa
raa a

Atua no to tahito e no te anotau hopea nei hoi; na te reira e haapapu mai e, te vai atura te tahi atu â man huru taata i te ao ra, maori râ te reira na huru e piti i faaitehia a'enei. Ua ite-atoa-hia e, te vai ra te tahi mau taata i hau i te mau mea atoa, mai tei faaitehia i roto i te B. F. 132: 16-20; o tei parauhia ei man atua; e tei nia'e hoi ratou i te mau melahi, e tavini ana'e te mau melahi no ratou ra. E i rotou i te mau Atua, te vai ra na Atua faatere, oia te Torutahi o te upoo ia i nia'e i te taatoaraa.

Ua rau hoi te tiaraa e te ohipa hoi a te tahi i ta te tahi. Ua parauhia Mihaela i te melahi rahi. (B. F. 29: 26; Dan. 10: 13.) E te tahi pae, ua roaa ia ratou te tia-faahou-raa, mai tei tonohia ia Ioane, (Apokalupo 23: 8, 9); e te tahi pae ra, e man tavini varua ia tei tonohia mai ei tia i te feia e noaa ia ratou te a'ia ra i te ora. (Hebera 1: 14.) E te tahi pae no teie mau melahi i parauhia a'enei, o te mau varau ia o te feia parau-tia tei haamaitai-roa-hia ra, o tei ore â i tia faahou, o tei faarirohia râ ei mau tavini varua hou te taeraa mai i te tino nei, i te taviniraa'tu i to ratou ra mau taeae i te ao varua ra. Ua riro hoi te Mesia ei tavini varua hou to'na fanauraa mai i roto i te ao nei. Ua faatavaihia Oia ei taata i nia'e i to'na ra mau taeae. E tavini varua atoa hoi o Gaberiela i muri a'e i to'na oraraa i roto i te tino nei, e hou hoi to'na tia-faahou-raa mai te pohe maira, (o Noa hoi oia), no te mea, mai tei faaitehia a'enei, ua riro te Mesia ei matamua no te tia-faahou-raa o te taata atoa tei mairi i te pohe ra. (Luka 1: 11-30; Daniela 8: 16; e te pene 9: 21.)

E mau vea te mau melahi na te Atua, te tahi pae aita to ratou e tino, e te tahi pae ra, ua tia faahou mai mai te pohe maira, no reira e tino iho â to ratou. E mau tavini ratou no te Atua, e e mea ê to te tahi ite, te mana e te toroa i to te tahi; e tei raro a'e ana'e hoi ratou i te faatere-raa a tei nia'e ia ratou ra, e e haapao hoi ratou i te ture e

te tia no te mau ao ra. E taata tahitihia hoi Eliaha, oia tei fâ mai e Mose atoa i nia i te mou'a, a faahuru-ê-hia'i te Mesia ra; e Mose ra, e taata tahitihia hoi oia, e aore râ, e tavini varua no te Faaora ra; e na melahi râ raua e toopiti i reira. (Luka 9: 28-33.) E mea papu ua fâ mai te mau taata no Enoha i tahitihia ei mau melahi faaite parau i te mau patereareha mai tei papaibia i roto i te Genese nei.

E te tahi mau melahi tiaraa teitei ra, ua haamanahia ia ia riro mai te Atua iho te huru. Ua fâ mai hoi ratou, e ua mana'ohia e, o te Atua iho raton, mai tei ravehia e te tahi mau tavini teitei ra, mai te au i tei papaibia no ratou ra. Te melahi i faaitehia i roto i te Exodo 23: 20-22; o te hoê ia no ratou o tei rave mai i te i'oa no te Atua i nia iho ia ratou ra. E te tahi ra, o te melahi ia tei tavini mai ia Ioane i nia i te motu ra o Patamo, o tei rave atoa mai i te i'oa e te tiaraa hoi o te Tamaiti a te Atua i nia iho ia'na ra. (Apokalupo 1: 1.)

Ua hape atoa te mau mana'o e rave rahi tei mana'o e, e pererau to te mau melahi, no te mea ua faaite mai te tahi mau taata papai parau mo'a e, ua ite ratou i te mau melahi i te maueraa na ropu i te reva nei. Te Seraphi (Isaia 6:2) e te Kerubi (Ezekiela 10) i faaitehia mai e taua na peropheta ra, e mea ê roa ia i te melahi, e aita atoa e tia ia tapūpū atu ia raua i roto i te pūpū no te mau melahi, i te mea e, hoê â opu, e hoê â hoi ia metua to te mau melahi e to te taata nei, i roto i te tino nei, e aore râ i roto i te tino varua ra; e ravea ê ta ratou no te haereraa, e aita'toa ratou i fâ mai i roto i te huru o te mau manu nei. E melo ana'e hoi ratou no te utuafare o te Atua, e mea ê râ to te tahi tiaraa i to te tahi, tei roto ana'e râ ratou i te hoho'a e te huru mau hoi o te Teitei ra.

Te vai atoa ra te mau melahi tei hi'a, o tei hurihia i raro no te hara, mai tei faaitehia mai e Iuda (irava 6), e te taata rahi no ratou ra, o Satani ia, oia tei tamata i te mau

taime e rave rahi ia fâ mai ei melahi no te maramarama, ia haavarehia e ia aratai-ê-hia'tu hoi te taata e a'na, oia tei faahema mai i te Tamaiti a te Atua ra, e ua morohi-noa-hia ta'na ra mau tamataraa mai ta'na mau faahemaraa ia Mose, e i te Peropheta ra ia Iosepha Semita (a hi'o i te Luka 4: 1-13; te mau orama na Mose 1: 12-22; B. F. 128: 20; B. F. S. 110: 20.) E melahi hoi tana varua rahi ra o Satani na te Atua i roto i to'na a'ia matamua, aita râ to'na e tino i'o, e mana rahi râ to'na i ô te faaearaa o te Atua ra, hou to'na orureraa i te hau, a hurihia'i oia i raro ra.

E no reira i ite-papu-hia'i e, ere te mau melahi atoa i te feia i tia faahou mai mai te pohe maira, mai tei mana'o-hia e te mau taata e rave rahi. Ua hape atoa te taata tei mana'o e, e hape te vai nei i roto i tei heheuhia mai no te mau melahi tei fâ-mai i te taata nei, e te parau i roto i te B. F. 130: 5. Teie te tai'oraa: Aita te mau melahi e tavinini mai nei i teie nei ao, maori râ, no teie nei ao ratou i teie nei, e aore râ i mutaa ihora. I te hi'oraa matamua, aita roa i faaitehia mai e, aita te mau melahi no te tahi atu â mau ao tei ore i tavinini mai i teie nei ao. E teie nei parau te vai nei te "e" e te "nei", e tapao ia no teie nei; oia hoi: Aita te mau melahi e tavinini mai nei i teie nei ao, maori râ, no teie nei ao ratou i teie nei, e aore râ i mutaa ihora. E mea tano maitai teie nei parau, no te mea, e parau ia no teie nei, e no te mau tau tunraa Evanelia i mutaa ihora. E te melahi tei parau mai ia Adamu a pûpû atu ai oia i te tusia ra, e mea papu, mai te Faaora iho â oia, oia hoi, ua faataahia oia no teie nei ao, e ua roaa mai te tino i muri a'e i to'na fâraa mai ei tavinini varua i te matamua ra.

Ua faaitehia i roto i te mau papairaa mo'a e, tei rotopu Aberahama rana o Ieremia e te tahi atu â mau taata i te feia tiaraa teitei e te maitatai, o tei maitihia hou to ratou fanauraa mai i roto i te ao nei, e ua riro hoi ratou ei mau tavinini i reira i raro a'e i te faatereraa a te Feia Mo'a roa i te vahi teitei, e ua tai'ohia hoi ratou no teie ao.

E i teie nei, no te mau tamaiti a Levi ra, tei faaitehia mai e Ioane Bapetizo, a faatoroa'i oia ia Iosepha Semita raua o Olive Taudere, (B. F. 13); e huaai ratou na Levi, e aore râ, e riro ei huaai na'na ra, e tei ia ratou te Autahu'araa no Aarona, e na ratou e faanehenehe i te mau ô e pûpû atu i te Fatu i te mau mahana bopea i Ziona e i Ierusalema atoa hoi, mai tei tohuhia mai e te mau peropheta ra. (A hi'o i te Malaki 3: 2-4; B. F. 124: 39; 128: 24.) E riro te tahi mau taata tei maitihia e te Fatu no taua ohipa ra i Ziona, i te tamâhia e te varua no te faaapî-raa-hia o to ratou ra mau tino. E i Ierusalema ra, e huaai mau ratou na Levi, e pûpû atu ratou i te mau tusia o te titaupia ia ratou i muri a'e i te faaho'iraa i faaitehia i roto i te Zekaria 14: 16-21; e te tahi atu â mau tohuraa a te mau peropheta tahito no nia i te faaho'iraa o te mau mea atoa ra.

A imi ana'e tatou i te afaro e te tia no teie nei mau parau Evanelia, mai te faaau i te mau feruriraa atoa i te mau parau mo'a i papaihia ra, eiaha râ e imi i te hape a opanihia'i te parau mau i te taata ia'na ihora.

—*Faaauhia ei re'o Tahiti e Elavana*

Te Hoê Parau iti ei Faaitoitioraa

(Tuatiraa teie nei parau.)

101. Hoê â ia e te Ekalesia a Iesu Mesia ra. Ua faatoroahia te mau melo ra, e ua haapaohia te tahi mau ohipa na ratou atoa ra e ati noa'e. Na te tahi, o tei riro ei peropheta ra, e tohu ei faaararaa'tu i te taata, e ia faatupuhia te tia, te tiaturi, e te itoitito i roto i te mau melo atoa o te ekalesia ra. Ua faatoroahia te tahi ei aposetolo, te tahi ei hitu ahuru, te tahi ei tahu'a, te tahi ei peresibutero, ei patereareha, ei episekopo, etc. Ua horoahia mai te mana

i te tahi ia faaora i te feia ma'i, e na te tahi e rave i te mau tapao, e parau te tahi i te parau êê. No-te faaroo rahi o te tahi e rave ai oia i te mau semeio, e parau te tahi i te parau paari, e e faaîhia te aau o te tahi i te ite ra. Ua horoahia mai teie nei mau toroa e teie nei mau mana i te mau melo, ia tupu i te maitai te ekalesia taatoa ra. Ephesia 4: 12.

102. Mai te mea ra e, ua roaa i te tahi taata te hoê o teie nei mau mea horoa o te Varua Maitai, e aore râ, te hoê toroa, e ua haapao maite oia i te reira ma te aau haehaa e te viivii ore, i te raveraa i te mau ohipa maitatai i tana mana mo'a i horoahia mai ia'na ra, e horoahia mai ia te hoê toroa rahi a'e, e e noaa ia'na e piti, e toru, e rahi noa'tu â o te mau mea horoa o te Varua Maitai ra, mai te ite, te paari, te tohu, te aroha, te mana faaora ma'i, te ite varua, e te faaoromai, etc.

103. Te hinaaro nei te Mesia ia tae atu te taata'toa i to'na ra î, oia hoi ia noaa i te hoê taata te mau mana'toa mai tei noaa ia'na ihora, (Mataio 28: 18); e ia noaa'toa hoi ia'na te mau mea horoa'toa o te Varua ra, eiaha ei toea. E ia na reira hoi te taata'toa e hope roa'e. (Phil. 2: 5-9; Kol. 2: 9; Eph. 3: 18-19; Kor. 1, 12: 13.) A hi'o hoi i te parabole o te mau taleni. (Mat. 25: 14-39.) O te taleni auro nei, e moni rahi ia i te ati Iuda; e au ia i e piti ahuru ma hitu tansani e toru hanere e hitu ahuru ma pae dara. (\$27,375.00). Ua faaau atura Iesu i te tao'a o te ra'i, oia hoi te mana mo'a o te Atua i faataahia no te mau toroa o te basileia, e te mau mea horoa o te Varua Maitai, i nia i te taleni. Te taata o tei haapao maitai, e faarahihia ia ta'na e ia rahi noa'tu â. Te taata râ o tei ore i haapao maitai, e rave-ê-hia ta'na, e ia ere roa oia ra.

104. Mai te tino taata nei e riro ei mea paruparu ia tapû-ê-hia te hoê melo, mai te rima, te avae, e te tari'a ra, oia atoa te ekalesia, e riro hoi ia ei mea paruparu, mai te mea ua tapû-ê-hia to'na ra mau melo e ua faaorehia te mau

ohipa mana a te Varua Maitai ra. Te na ô maira Paulo e, "Ia parau hoi te avae e, e ere au i to te tino, no te mea e ere au i te rima; e ere mau anei oia i to te tino i reira?" Kor. 1, 12: 15. Teie te pahonoraa e au ai, no te tino mau ia te avae ra. Ia parau hoi te diakono e, e ere au i to te ekalesia, no te mea e ere au i te aposetolo; e ere mau anei oia i to te ekalesia i reira. Teie te pahonoraa e au ai, No te ekalesia mau ia te diakono ra.

105. "Ia parau hoi te tari'a e, E ere au i to te tino, no te mea e ere au i te mata; e ere mau anei oia i to te tino i reira?" Kor. 1, 12: 16. No te tino mau ia te tari'a. Ia parau hoi te peropheta e, E ere au i to te ekalesia, no te mea e ere au i te episekopo; e ere mau anei oia i to te ekalesia i reira? Teie te pahonoraa tia e, No te ekalesia mau ia te peropheta ra. E mata ana'e anei te tino? Aita. Te na ô faahou mai nei Paulo e, "Ahiri e mata ana'e te tino atoa nei, eaha ihora te faarooraa?" Kor. 1, 12: 17. Tera te pahonoraa, aore to te tino e faarooraa i reira. E peresibutero ana'e anei te ekalesia ra? Aita roa'tu. Ahiri e peresibutero ana'e te ekalesia, o vai ia te rave i te ohipa a te aposetolo e te diakono ra? E tari'a ana'e anei te tino ra? Aita. Te na ô mai nei te aposetolo e, "Ahiri hoi e faarooraa ana'e te tino nei, eaha ihora te hi'oraa?" Kor. 1, 12: 17. Tera te pahonoraa, Aita e hi'oraa; ua paruparu te tino; ua ere te tino i te hoê ohipa fan'aa rahi. Ia ere te tino i te ihu, eaha râ te ravea e ite ai te taata e, e mea noá-noá tera, e e mea haua'ino tera?

106. E episekopo ana'e anei te ekalesia? Eiaha ia. Ahiri e episekopo ana'e te ekalesia, eaha te ravea e ite ai te taata i te parau api no te ra'i mai, e te mau parau aro a te Atua ra? Aita e ravea, no te mea aore e peropheta i roto i te ekalesia e farii mai i te parau i heheuhia maira. Te na ô nei te peropheta ra o Amosa e, "Aita a te Fatu ra a Iehova e peu i rave, maori râ ia faaite i ta'na parau i moe i ta'na ra mau tavini i te mau peropheta." Amosa 3: 7.

Ahiri aita e peropheta i roto i te ekalesia i muri iti a'e i te tau o te Mesia, ua ere tatou i te mau tohu atoa a Paulo, a Petero e i te buka Apokalupo. Ua i roa tana buka ra i te tohu. Ahiri aita e peropheta i roto i te ekalesia i teie nei, ua ere roa hoi tatou i te mau parau apî no te ra'i mai tei au i te huru o te taata nei i teie nei tau, oia hoi te tau huru e roa i te mau tau atoa ra.

"E peropheta ana'e anei te ekalesia? e haapii ana'e anei? e rave tapao ana'e anei? ua ite paatoa anei i te faa-ora ma'i? e parau paatoa anei i te parau e'e? e faaite paatoa anei i te parau e'e?" Kor. 1, 12: 29-30. Eiaha roa ia. E peropheta râ te tahi; e toroa aposetolo te tahi; ua noaa i te tahi te toroa haapii; e ua opere noa te Varna Maitai i ta'na mau mea popou i te feia faaroo e te haapao maitai ra. Te hinaaro nei te Fatu ia roaa i te taata'toa teie nei mau mea atoa e hope roa'e; oia hoi ia taea te faito o to'na i te taata paatoa ra; ia riro ratou atoa ei hoê, mai te Metua e te Tamaiti hoê nei, Eiaha hoê tino: hoê râ faito i te mau mea maitatai atoa ra.

107. Mai te mea ra e, aore teie nei mau mea i noaa i te feia ekalesia, no te hara e te faaroo ore o te mau melo te tumu i ore i horoahia mai ai. Ua ravehia e ratou te mau mea o tei faariri i te Varua Maitai. Eph. 4: 30-31. Eiaha tatou e mana'o noa e, e ore teie nei mau mea e horoahia mai i te taata i teie nei tau hopea. Te na ô mai nei Paulo i roto i ta'na faaauraa i te ekalesia i nia i te tino taata nei, "E ore hoi te mata e tia ia parau i te rima e, ore noa'tu â oe ia'u nei; e te upoo hoi ia parau i te avae e, ore noa'tu â orua ia'u nei." Kor. 1, 12: 21. E ore te aposetolo e tia ia parau atu i te diakono e, ore noa'tu â oe ia'u nei. Ia tauturu râ ratou, e te mau melo atoa te tahi i te tahi e tia'i.

108. Mai te rima i tauturu i te opu i te tuuraa'tu i te maa i roto i te vaha, ia maitai te tino taatoa, e na reira'toa hoi te mau melo o te ekalesia.

(E tuatihia teie nei parau.)

Te Mau Parau Apî

I te 24 no Tiurai, m. 1924, i tupu ai te motoraa i ropu i na aito ra ia Gene Tunney no Amerika raua o Georges Carpentier no Farani; ua pohe Carpentier ia Tunney i te 15 o te ramu.

Ua horoa noa Ioane D. Rockefeller tamaiti, te ona rahi i Amerika, e hoê milioni dara moni Amerika no te faa-apî-faahou-raa i te fare pureraa rahi Katorika i Farani, o tei ino i te tahi mau vahi i te Purutia i roto i te tama'i i oti a'enei, e no te faaneheneheraa hoi i te pape pihaa e te mau ô i Versailles e i Fontainebleau.

E ia tauhiahia te reira moni ei moni Farani, e roaa mai ia: e 18,500,000 toata, o tei amuihia i te moni e piti, e aore râ e toru milioni toata na te pute Farani.

Faaiteraa no Ruru

Ia hinaaro outou i te tape'a, e te uati, noa'tu te huru;

Ia hinaaro outou ia hamanihia to outou mau tape'a, te pine, te tautau;

Ia hinaaro outou ia tataihia to outou mau tape'a;

Ia hinaaro outou i te hoo mai i ta outou mau tiko, te patoetoe, te mau tape'a tahito, te hei pupu, etc.;

Ia hinaaro outou ia papaihia to outou mau i'oa i nia e aore râ i roto i to outou mau tape'a, te pine, e te tautau;

Ia hinaaro outou ia faaapîhia to outou mau tape'a tahito;

Haere i o Ruru

*to'na iho â fare parai rea ute
te aroa Petite Pologne*

PAPEETE

NENEIRAA HOHO'A

Noa'tu te huru e te faito i hinaarohia, e oti nehenehe i ô nei ia Viriamu.

O te mau huru ohipa ho-ho'a e ravehia nei.

William Crake

I pihaiho i te Fare Moni Initia Taina

PAPEETE

Teie ia te parau a te taata paari ra o Nicola Tesla o tei haapii noa i te huru no te uira mai to'na apîraa mai â, oia hoi: e nehenehe ia'na ia haponu noa i te uira i te mau vahi atea roa na roto i te fenua nei, e aita e niuniu.

Ua na ô atoa mai oia e, te fatata maira te tau e faaterehia'i te mau pahi, te mau pereoo auahi, te mau pereoo uira e te mau pahi reva, e aita e machine o roto, e aita'toa hoi e taata faatere i nia iho, e e ite-atoa-hia te mau oire rarahi aore e auauahi o roto, no te mea, e tavirihia te mau machine atoa e tana uira ra, e e ama hoi te mau mori no te mau utuafare na roto i taua ravea faahiahia ra.

Mai teie te huru o ta'na faatereraa, oia hoi, e faatia oia i te hoê fare rahi hamaniraa uira o te tavirihia e te hoê toparaa pape no te hoê anavai rahi, ei reira e tuu ai oia i te uira i roto i te fenua nei, e aita i tia ia rave mai, maori râ ua roaa mai te taviri mau, e riro râ te reira uira i te fariihia e te tahi machine nainai tei hamanihia e ana.

Te ora nei hoi tatou i roto i te tau maere e te faahiahia atoa hoi.

Tao'a Apî Farani

Mea rahi te taihaa apî no nia mai i te pahi rahi Farani.

Pereoo taataahi tane
e te vahine—te au'a
e te mereti—e ua rau
te huru te ahu Fara-
ni ana'e.

Tihota Tahiti Hoo Mama
Fare Toa No Aiu.

FARE TAMAARAA TINITO

I Tatahi tei fatata i te fare toa no Pute

Teie te Hooraa

Te mau roi auri, roi raau, roi veo;
Te mau afata ume, afata roa, afata
raau noanoa, afata ma'i (pohe);
Te mau huru UPAUPA, Mando-
line, Guitare, Ukulele, e to'na
mau niuniu atoa;

Te mau huru peni vaa, Fare, Pere-
oo, Afata Ume, e te tahi atu â.
Tei reira'toa hoi te hamani raa e te
tatairaa i te mau huru haneti atoa.
Tei reira'toa te mau hahu raa, e te
êê raa raau.

Tei reira'toa te tarahu raa Pereoo
uira: taniuniu noa io Bambridge,
Papeete, ia tae atu te Auto, no-
a'tu te hora i te pô e te ao.

Bambridge, Dexter & Co.

oia hoi io TIHOTI MAEHAA

Ua Faaroo Tatou

I te paran apî o te tau i o te moni Marite e te moni Beritane—e no reira ua pee te moni o te mau taihaa i nia.

Mea Mama ta Pute

Aita râ te moni o te pua i te faretoa a Pute i haerei nia, no te mea no Tahiti iho nei te hamani-raa-hia.

E Piti Toata i te Pâ

A. Leboucher

PAPEETE

Tamuta Hamani Pahi e te Fare

Mai te mea e, te opua nei oe i te hoo i te tahi poti tere roa a'e i te tahi atu â mau poti, haere io PERO, oia hoi, F. R. & I. E. WALKER, na ratou e hamani i taua poti ra ma te maitai e te hoo māmâ.

Haere na a mataitai i ta ratou mau hoho'a poti, haere na a mataitai i ta ratou aua hamaniraa pahi.

Farerei na ia PERO ma, no te hamaniraa i to oe fare, eita oe e tata-rahapa.

Afai na ta oe mau iri raau i hinaaro i te êê e te hahu ia PERO ma, na ratou e rave.

F. R. & I. E. WALKER

PAPEETE

Ua riro te rê i na taata Farani, no te maoro o to raua maueraa i roto i te pahi reva. Teie ia te maoro, oia hoi, e 37 hora, 59 minuti e 10 setoni. O Couhet e o Dronjin ia to raua na i'oa.

Parau Faaite Teie

Ua farii a'enei matou i te hoê reta na te hoê taata o tei rave i te "Heheuraa Apî", o tei ani mai ia matou ia faaite i te hoo no te pufa e te vanilla i Papeete nei i roto i teie nei vea. E mea fifi roa râ te reira ohipa, no te mea e mea ê ta te tahi faretoa hooraa, e e mea ê hoi ta te tahi, e tau i haere noa hoi te hooraa i te mau mahana atoa; e ahiri i faaitehia atu te hoo i roto i te vea i teie mahana, eita iho â e roaa i te taata ta'na vea i taua mau mahana ra, e ia roaa râ, ua tau i faahou ia te hooraa i reira; a riro atu ai te parau i roto i te vea nei ei mea hape.

O. B. Peterson, Imprimeur,

Rue Brea et de la rue Dumont d'Urville, Orovini, Papeete